

TE HENEURAA API

NENEIHIA I ROTO I TE PIHA NENEIRAA A TE EKALESIA A IESU MESIA I TE
FEIA MO'A I TE MAU MAHANA HOPEA NEI.
PAPEETE, TAHITI, I TE MAU AVA'E ATOA.

*Te hoo: E 5 farane i te matahiti hoê
e e 10 farane no na matahiti e toru.*

No. 4

Eperera 1938.

Mat. 32.

TE OMOA.

O TE peu ia a te taata nei ia rave oia i te ohipa, e feruri oia i te utua e horoahia na'na no te rave-raa i te reira ohipa, e o te huru mau ia, noa'tu i te huru o te ohipa e roaa ihoa te utua: te utua râ, e ere paha ia i te utua ta tatou i imi.

Te utua hopea ra ta te mau taata atoa e imi nei o te *Oaoa* ia. Area ra, e mea huru mohimohi e te fifi hoi, no te mea, e feruri te taata i te hoê utua i raro rii noa ae i te *Oaoa mau* ma te ferurii raa e, o te reira te *Oaoa* mau. Teie mau utua ra i ferurihia ra, o te manuia paha ia i te ohipa moni, e a ore ra, te roo maitai, e a ore ra, te tiamâ i te mau tarahu; Area ra, e mau *taataahiraa* ana'e te reira e tae atu ai i te *Oaoa mau*.

Oia hoi tei paari, ia feruri oia i te *Oaoa* mau, eita oia e imi i te vahi atea, e mea papu ra te noaa te reira ia'na, no te mea, aita te *Oaoa* mau i te vahi atea ê roa ia tatou nei, maori ra, te maiti nei te taata i te haereraa atea ia tae atu oia i te *Oaoa mau*.

O te utua rahi ia te horoahia na te taata, e ua horoahia te reira mai te au i te mau ture.

Papaahia e Tihoti Orometua.

Na Varua Aratai.

HOU te hamaniraa hia o teie nei ao, ua haaputuputu to tatou Metua, no te pae Varua, ia tatou atoa i te vahi hoê. I reira ua faatupu Oia i te hoê apooraa rahi no te faa afaroraa i te mau mea atoa, no te haamaitairaa i ta'na mau tamarii varua. Ua faaite mai Oia, ia tatou atoa, i ta'na opuaraa e te ravea atoa no te faatupuraa i taua opuaraa ra. Mai te au i ta'na parau, ua tae ia te otia no te varua, no reira, e tia ia farii tatou i te hoê tino i'o ei parahiraa no to tatou mau varua; Area ra, ua titauhia ia taa-ê tatou ia'na i reira, e ia farerei tatou i te mau maitai e te mau ino atoa hoi.

I reira e maiti tatou i te haapaoraa te au ia tatou iho. Na ô maira oia, E tano ia maitihia te mau faatere e te mau Peropheta, e ua na reirahia mai te au i To'na hinaaro. O Iesu ia te matamua tei maitihia ei aratai e ei Faaora no te parahiraa e hamanihia. No te feii o to'na taeae o *Eliela* ua riro atura oia, e te mau taata tei pee ia'na, ei *Diabolo* faahema no te mau varua tei pee na muri ia Iesu, a taa-ê ai ratou i te Atua. Eita ra te taata e tuuhia mai ma te paruru ore i te faahemaraa a te Diabolo, e horoa hia mai ra te Varua Maitai ei *Orometua* e ei *Ite* no te Metua e te Tamaiti hoi, e e tino varua ana'e to'na.

Ua riro te Metua, te Tamaiti e te Varua Maitai ei upootia no te mau mea atoa te ravehia no te faaoraraa i te taata nei. Ua maiti atoahia te mau Peropheta ei mau tauturu no te haapiiraa i te Evanelia, i rotopu i te mau taata a vai taa ê ai tatou i te Metua. Ua na ô maira te Metua, ia tae te mau varua i roto i te tino i'o, eita tatou e ite faahou Ia'na, maori ra, ia haapao tatou i te mau faaueraa e te mau ture Ta'na e tuu i nia ia tatou, area ra, e faatiahia te mau mea atoa no te haaparareraa i te Evanelia i rotopu ia tatou i nia i te ao te hamanihia ei vahi parahiraa no tatou.

Noa'tu i to tatou taa-ê raa Ia'na, e tae To'na varua i nia ia tatou atoa, e e aratai taua varua ra ia tatou atoa i roto i te maitai, maori ra, ia faatia tatou i te Diabolo ia faatere ia ta-

tou e
e faa
na e
riro i

mua
Mait
mau
su i t

Te
haap
e tae
taua
faaor
e na

No
huru
taata

O i

Te
atoa i
raa, i
amui
i te ti
e tia
tou m
faufaa
ratou
paru,
ra ia
taeae

to e tae noa'tu i te taime e viiviihia'i to tatou tino. I reira e faarue atu ai To'na varua i te taata. E tamata taua na mana e piti i te aratai ia tatou nei ia ite te Atua, e e au anei ia riro tatou mai Ia'na te huru.

Mai te mea e farii tatou i te Evanelia tei tuuhia mai, i mua ia tatou, e Iesu, e horoahia ia, ia tatou nei, te Varua Maitai ei Orometua, e Na'na e faaite ia tatou nei i te huru mau no te Metua e te Tamaiti. O Oia ia te hoê *Faaa'o* ta Iesu i tono mai i To'na revaraa.

Te vai ra te tahi *Faaa'o* ta Iesu i fafau i te mau taata tei haapao i Ta'na mau ture e Ta'na mau faaueraa atoa, oia hoi, e tae te *Varua Parau mau* i nia i taua huru taata ra. E ia tae taua *Varua parau mau* i nia i te taata, e ite mau ia oia i te faaoraraa taata. E paraparau oia, te mata i te mata, ia Iesu, e na Iesu e faaite ia'na i te mau mea atoa.


No reira, ia hi'o tatou, te vai nei te Varua aratai no te mau huru taata atoa, oia te Varua no te Maramarama, no te mau taata tino mâ, e te Varua no te Poiri, no te mau tino viivii.

O vai te Varua aratai ta oe e haapao nei?

Papathia e Levi Orometua.

Te faaroo nei matou e, e tia i te mau *Haapaoraa Ekalesia* atoa ia faaau i te parau e to ratou mau melo, no te haapao ore raa, mai te au i te mau ture e te mau faatereraa o taua mau amuiraa ra, ia haapaohia ra taua mau faaauraa ra no nia ana'e i te tiaraa maitai e te au taeae raa. Aita ra matou e faaroo e, e tia i te mau *Haapaoraa Ekalesia* ia haava i te taata no ta ratou mau faufaa e no to ratou ora, e te rave atu i ta ratou mau faufaa no te pae tino, e a ore ra, te faatae atu i te ati i nia ia ratou e tae noa'tu e fatata ratou i te pohe, e a ore ra, te paruparu, e eiaha atoa ratou e tairi haamauuiui i te taata; e tia noa ra ia ratou i te huri i te taata i rapae e te faaore atu i te au taeae raa no rotopu atu ia ratou.

Buka Fafau 134: 10.



EDITORIALE

UA tae mai te parau apî no TOMA Peretiteni o tei re-
va a'enei no te ma'i tei tupu i nia ia'na. Ua tia
faahou ia'na ia parau i teie nei, e te faaite mai nei te mau
taote e, e riro oia i te ora roa i roto i te tahi nau ava'e faa-
earaa. Te hinaaro nei hoi raua ia faataehia'tu to raua aroha
i te mau hoa e rave rahi i teie mau fenua moana nei. Te oa-
oa nei raua i to raua fenua ai'a, area ra, ua oto atoa raua,
no te mea ua haapoto hia to raua faaeearaa i ò nei. Ia tia-
hia raua e te Fatu; Te vai ra te ao oaoaraa, e o te tuu i to-
na ora, e oaoa ia to'na i reira.

ITE 6 no Eperera, hoê hanere e e vau matahiti tei
mairi mai te faatiaraahia o te Ekalesia tei parau-
hia na Iesu Mesia i te Feia Mo'a i te Mau Mahana Hopea
Nei. I te reira mahana te haamana'o atoa nei te Ekalesia i
te fanauraa e te tia-faahou-raa o te Mesia. No reira, ua riro
taua mahana ra ei oaoaraa no te Feia Mo'a, no te Ekalesia
nei, i te mau vahi atoa.

Ua faataahia te matamua no te ava'e Eperera e no te a-
va'e Atopa ei mahana Amuiraa, e ua riro ia eu peu tumu i
roto i te Ekalesia nei. I roto i taua mau putuputuraa ra, te
faaitehia'tu nei i te huru no te mau ohipa i ravehia i roto i
na ava'e e ono i mairi atu, e e faaroo hoi vetahi i ta vetahi
ê ra a'oraa i nia i te Evanelia, e na roto i te reira e haamai-
taihia e e faaetaeta hia hoi te taata paatoa o te haapao i te
tau Amuiraa.

I teie nei matahiti 1938, te faaterehia nei te Amuiraa, i
Hao, no te mau fenua i nia, e o Toratena Orometua te faa-
tere no taua putuputuraa ra. E faatere atoa hia hoi te amui-
raa i Fakarava, no te mau fenua i raro, e i reira e tomohia
te Fare Pureraa apî i reira e na Beniamina Orometua e faa-
tere i te mau ohipa. E tomo atoa hia te Fare Putuputuraa
apî i te Amaa ra i Taahua'a, Tubuai, e o Noela te Orometua

faat
ofai

U

i te
ru r

T

I te
ta i te
Eaba
pu i tE p
PARA
pao te
E tia
faa ME p
mau n
te reir
vare iTeie
ite ia
ava. I
te ava

faatere i reira. E fare raau te fare apî i Fakarava e e fare ofai te fare i Tubuai.

Ua tae atoa mai te parau apî e, ua oti te fare pureraa apî i te faatiahia i Makemo, e fare niaú ra, area rá ua maururu roa matou i te mau taeae itoito tei rave i te reira.

Papaihia e Tena Orometua.

TE PARAU AUTAHU'ARAA.

BENIAMINA Winkel

LEVI Leatham

ELEDONA Mortensen

Haapiiraa no te Ava'e ME.

[*Sabati matamua*]

I te Sabati matamua a paraparau i nia i te huru no te oraraa o te mau taata i to outou fenua. E mea maitai a'e anei te reira i to te tahi mau fenua ? Eaha hoi te tumu no te reira huru ? Eaha te tahi mau maa tano ore o te tupu i to outou fenua ?

[*Te Piti o te Sabati.*]


E parapaarau i nia i teie mau vahi: Eaha te tumu i horoahia mai ai te PARAU PAARI ? E ture anei te reira ? Eaha te maitai te noaa mai ia haapao te taata i te reira ? E tia anei i te taata paruparu ia haapao i te reira ? E tia anei ia haapii e ia faahuru e i te hinaaro o te taata ? Eaha ia te Faa-faa Mo'e i parauhia ra ?

[*Te Toru o te Sabati.*]

E parau i nia i teie mau tumu parau: Te faahuru hia nei anei ta tatou mau maa hoo ? Eaha te tumu no teie mau peu haavare ? Ua opanihia anei te reira e te mau ture o te Hau ? Te vai nei anei te mau parau faaite haavare i teie nei ? Nafea tatou ia faaore i te reira ?

[*Te Muha o te Sabati.*]

Teie te mau tumu parau: E maa anei te ava ? Eaha to'ns huru i nia i te ite ia inu te taata. Ehia moni te haamau'a hia nei i to outou fenua no te ava. Eaha te ohipa a te ava i nia i te tino ! O vai te hamani ino hia nei e te ava ! E mea nahea te faaoreraa i te inuraa ava !



Na Te Mau Maapii

Mahaere na te mau utuafare,

Te faaroo nei matou i te haaputuputu hua-raa o Iseraela, e i te faaho'iraa mai o na opu tino ahuru i mo'e ra. E e faatiahia o Ziona i nia i teie nei fenua (i Amerika). E e parahi tino mai hoi te Mesia ei arii i nia iho i te fenua nei. E e faapihia hoi te fenua nei, e e faaho'ihia mai te hanahana o to'na huru paradaiso ra. Hiroa Faaroo N^o 10.

Ia haere outou na roto i te mau utuafare, a tai'o e a haapii atu i teie nei parau:

TE PARURURAA I TE ORARAA.

Te Faaroo Moromona nei, e Faaroo ia no te mau mahana atoa. Te haapao nei oia i te maitairaa o to'na mau melo, i te pae tino e te pae varua atoa hoi. Ia na reira oia ua tahoe maitai ia i te haapiiraa a te Ekalesia, i te mau tau atoa, e i te mau heheuraa tei horoahia mai i teie mau mahana hopea nei.

Te haapaoraa o to tatou mau tino,—te haapaoraa i te oraraa,—ua pinepine roa i te faauehia mai ia tatou, e te Fatu, na roto i te heheuraa e na roto atoa i Ta'na mau tavini, te mau aratai o te Ekalesia, na roto ite haapiiraa. Eiaha i roto i te Parau Paari ana'e, i roto atoa hoi i te tahi mau heheuraa, ua titau hia tatou ia haapao maitai roa i te mau hiero o to tatou mau varua.

O to tatou mau tino o ta tatou ia faufaa mau e vai nei. Ia faarue tatou i teie nei ao, e vaiiho tatou i ta tatou mau faufaa atoa ra, area ra, to tatou mau tino, te tia faahou e te tamahia, e riro te reira ei faufaa na tatou e a muri noa'tu. Eita anei e tia ia tatou, i teie nei, ia tia e ia paruru ia ratou ia ore ratou ia viivii e ia inohia i te mau mea atoa te faatae mai i te paruparu, te ma'i, te mauui e tae noa'tu i te pohe.

Te Parau Paari nei, noa'tu i to'na faufaa rahi—e mea papu te haapao maitai nei te Feia Mo'a mau i te reira—e tufaa noa iho ia no te ture rahi o te oraraa maitai. Te faatere nei oia i te parau no te maa e te inu, te na tumu o te oraraa

nei. Te vai atoa ra te mau mea êê no to tatou orararaa maitai i rapae au atu i te maa e te inu. Te rahiraa o te mau ma'i, te mau mau'ui e te pohe te tupu i rotopu ia tatou nei, e tumu ê to ratou.

Ia mâ maitai tatou, ia tamaru maitai hia te tino, eiaha e faa rohirohi haapao ore noa, eiaha e arearea faufaa ore, eiaha e haapeapea i te mana'o, ia haapao maitai ia faahoro i te pereco uira e i te faatereraa i te tahi atu â mau machine, o te mau mea ia te paruru i to tatou mau oraraa e te faatae mai i te oaoa i te oraraa nei.

To tatou mau tino e to tatou oraraa maitai, o ta tatou ia na faufaa rahi e e mea tia roa ia imi tatou i te mau ravea atoa no te tiairaa e te parururaa i te reira.

TE SOTALETE VAHINE TAUTURU.

TOTARE GREEN.

JOSEPHA G. STEVENS

Haapiiraa no te Ava'e ME.

Mahana Maha (Matamua).

E haapii i te parau no te tae piti raa mai o te Mesia.

Mau parau tauturu: Salamo 50:3-6; Isaia 35:4; Ioba 3:15-17; Mataio 16:27; 24:3-6, 14, 29-30, 36-40; 25:30-31.

Mahana Maha (Piti).

E haapii i te parau no te tia faahou-raa. Irava tauturu: Ezekielia 37:1-13; Te Ohipa 2:22-24, 29-32.

Mahana Maha (Toru).

E haapii i te parau no te Mileniuma. Apokalupo 20:1-7; Isaia 15:24, 27; 65:17-20; I Korinetia 15:24, 27.

Mahana Maha (Maha).

Na te Peretiteniraa e maiti i te ohipa e ravehia i teie mahana.



HAAPIIRAA SABATI.

Goladena W. Mack
Teneta A. Wilde

Anderea N. Machen
Pereti B. Asay

Haapiiraa no te Ava'e ME.

IRAVA TAMAU AAU. ALAMA 50:20.

Na te Pupu 3 e te Pupu 4.

- | | | |
|----------|---|----------------|
| Me te 1. | Ua riro o Amaleki ei arii no te atī Lamana. | Alama pene 47. |
| " 8. | Te faaineineraa o Moroni no te tama'i. | " 48. |
| " 15. | Ua manuia ore te atī Lamana. | " 49. |
| " 22. | To Moroni faaineine faahouraa no te tama'i. | " 50. |
| " 29. | A hi'opoa i te mau parau i haapiihia. | |

Na te Pupu Piti.

Irava tamau aau. Mataio 16:27.

Na te Orometua e maiti i parau e au no to'na pūpū, no roto mai i te parau no te Autahu'araa,

Te Paraimere.

Irava tamau a-u, Mataio 16:27.

- Me te 1. To tatou parahiraa i te ao varua e te maitiraahia o Iesu.
- " 8. Te hamāniraahia o te ao nei.
- " 15. O Adamu i roto i te O i Edene.
- " 22. Te aamu no Kaina raua o Abela.
- " 29. Hi'opoaraa no te mau parau i haapiihia.

MAHANA HAAMANA'ORAA I TE MAU METUA VAHINE.

Ua faataahia te 8 no te ava'e Me ei mahana haamana'oraa i to tatou mau Metua Vahine.

Teie te ohipa e faaterehia i taua mahana ra:

1. Himene na te Amuiraa.
2. Pure na te Pūpū piti.
3. Himene piti, na te hoê o te Pūpū Paraimere e aratai.
4. Tai'oraa minute e te Irava tamau aau.
5. A'oraa na te Peretiteni o te mau Tuahine. Parau tumu Exodo 20:17.
6. Himene na te Pūpū Paraimere.
7. E a'oraa ua te Metua vahine o tei hau to'na matahiti i to te mau Metua vahine i te Amaa. Parau tumu: te Aamu no to'na iho oraraa.
8. A'oraa na te orometua i roto i te Amaa, e a ore ra, na te hoê o te Peretiteniraa o te Haapiiraa Sabati.
9. Horoaraa i te hoê haamana'oraa na te mau Metua Vahine.
10. Na te hoê Metua vahine e faaite atu i te mauuru o te mau Metua vahine.
11. Himene.
12. Pure.

Te fa
roo ia i
te bape
te rima

Uir
Pal
Uir
Pal
nei. (tino v
ia ô n
17; L

Uir
Varua
Pah
Uir
Maitai
Pah
tizoraa
Uir
taata
Pah
19:1-6
Uir
te Var
Pah
a Mele

HAAPIIRAA NA TE FEIA API.

TENA Palmer

NOELA. C. Devey

VERANONA C. Thurgood

VELA C. Hunting.

HAAPIIRAA NO TE AVA'E ME

Irava tamau aa: Ioane 16:7.

Haapiiraa no nia i te

Varua Maitai

tei papaihia e Toratena Orometua.

Te faaroo nei matou e, o taua mau faaueraa ra, te matamuaraa, o te faaroo ia i to tatou Fatu ia Iesu Mesia; te piti, te tatarahaparaa ia; te toru ra te baptizoraa ia i raro i te pape ia matara te hara; te maha ra, te tuuraa i te rima ia no te horoaraa i te Varua Maitai. Hiro'a Faaroo N^o 4.

Uiraa 1. O vai te Varua Maitai?*Pahonoraa.* O te hoê ia no te Toru-Tahi. (Ioane 5:7)*Uiraa 2.* Eaha te huru mau o te Varua-Maitai?

Pahonoraa. E tino varua to'na mai te hohoa o te taata nei. (E ere te tino o te Varua Maitai i te tino i'o e te ivi, e tino varua ra, ahiri aita, e ore roa ia e tia i te Varua Maitai ia ô mai i roto i to tatou nei tino. B. F. 130:22; Ioane 14:17; Luka 24:39.)

Uiraa 3. Ua roaa anei, i te taata atoa, te horoaraa o te Varua Maitai?*Pahonoraa.* Aita.*Uiraa 4.* O vai ratou te farii i te horoaraa o te Varua Maitai.

Pahonoraa. O te feia te haapao i te tatarahapa e te baptizoraa. (Ohipa 2:38-39; Mataio 3:11.)

Uiraa 5. E mea nahea te horoaraa i te Varua Maitai, i te taata!

Pahonoraa. Na roto i te tuuraa rima. (Ohipa 9:14-17:19:1-6; 8:18-20; Hebra 6:1-2; II Timoteo 1:6.)

Uiraa 6. E tia ia vai ia tuu i te rima no te horoaraa'tu i te Varua Maitai?

Pahonoraa. O ratou tei mau i te mana no te Autahu'araa a Melehizedeka.

Uiroa 7. E parahi anei te Varua Maitai i roto i te Hiero viivii ?

Pahonoraa. Aita. (I Korinetia 3:16-17; 6:19.)

Uiraa 8. I nahea i faatiahia'i te uupa ei tapao no te Varua Maitai ?

Pahonoraa. Hou teie ao i hamanihia'i.

To te Varua Maitai Mana.

Uiraa 1. Eaha te Mana o te Varua Maitai ?

Pahonoraa. O te Varua ia no te tohuraa e te heheuraa. E e haapii hoi Oia i te mau mea atoa, e e aratai hoi Oia i te parau mau. (Ioane 14:26; II Petero 1:21.)

Uiraa 2. Eaha te toroa o te Varua Maitai ?

Pahonoraa. O te haamaramarama ia o te aau e te faaitoito i te ite, e te haamo'a i te varua. (Ioane 14:16-19; 16:13-15.)

Uiraa 3. Ua vai anei te Varua Maitai, i nia i te ao nei, hou te tau o Iesu Mesia ?

Pahonoraa. E. Ua horoahia te Varua Maitai ia Adamu ma, e i te mau Peropheta e tae roa mai i te tau o te Mesia.

Uiraa 4. Ehia Faaa'o e vai nei ?

Pahonoraa. E piti ia. (Ioane 14:16-17; Haapiiraa a Iosepha Semita api 21.)

Uiraa 5. O vai taua na faaa'o ra ?

Pahonoraa. O te Varua Maitai e o Iesu Mesia. (Ioane 14:16-17.)

Uiraa 6. O vai ia te Faaa'o matamua ?

Pahonoraa. O te Varua maitai ia te horoahia mai na roto i te tuuraa rima.

Uiraa 7. Nahea te taata e ite ai i te parau mau no rotopu i te mau mea atoa ?

Pahonoraa. Na roto i te mana o te Varua Maitai. (Moroni 10:4.)

Uiraa
Pahonoraa.
maitai
ite. E
ia rat

Uiraa
ta ato
Pahonoraa.

Uiraa
Mesia
Pahonoraa.
ne 15:

Uiraa
tai ?

Pahonoraa.
o te M
ra hoi.

Uiraa
Pahonoraa.
mau ta
toru r
(B. F

Uiraa
mau h

Pahonoraa.
ia maitai
i te ho
te ite,
ra, ta
ra. Ta
ta te ta
ta te ta
ohipa i
taata a

Uiraa
Pahonoraa.
12:31-3

Ta te Varua Maitai Ohipa.

Uiraa 1. Eaha te ohipa a te Varua Maitai?

Pahonoraa. E ite hoi te Varua Maitai no te Metua e te Tamaiti. Te Varua parau mau e te Haapii i te parau mau e te ite. E ia aratai te mau taata i roto i te parau-tia, e e haapii ia ratou i te mau mea atoa. (I Ioane 5:4-6; Ioane 14:26).

Uiraa 2. E haapii atu anei te Varua Maitai i te mau taata atoa?

Pahonoraa. E. (I Ioane 2:20,28.)

Uiraa 3. E mea nahea te mau taata e ite ai e, o Iesu te Mesia?

Pahonoraa. Na roto i te faaiteraa a te Varua Maitai. (Ioane 15:13; 7:16-17.)

Uiraa 4. Ua hoê anei te Metua, te Tamaiti e te Varua Maitai?

Pahonoraa. Oia mau. Tootoru hoi e faaite i nia i te ra'i, o te Metua, o te Logo e o te Varua Maitai; e o taua Tootoru ra hoi, hoê â ia. (I Ioane 5:7.)

Uiraa 5. Nahea ratou i riro ai ei hoê?

Pahonoraa. O te Varua Maitai tei faaite mai e, e parau mau ta te Metua, e ta te Tamaiti hoi, * na taua na Atua Tootoru ra e faatia i te Torutahi, e ua hoê ratou i te ohipa. (B. F. 5:2; I Ioane 5:7.)

Uiraa 6. Na roto i te mana o te Varua Maitai, eaha te hoê mau horoaraa rahi te horoa-hia mai?

Pahonoraa. Ua horoahia ta te Varua faaite i te taata atoa, ia maitai paatoa. I horoahia mai i te parau paari e te Varua, i te hoê ra, e i horoahia mai e taua Varua ra te parau e noaa'i te ite, i te hoê. Ta te tahi ra, o te faaroo ia, na taua Varua ra, ta te tahi ra, o te ite ia i te faaora ma'i na taua Varua ra. Ta te tahi, o te rave tapao ia, ta te tahi ra, o te tohu ia, ta te tahi ra, o te ite varua ia, ta te tahi ra, o te parau êê ia, ta te tahi ra, o te faaite parau êê ia. Na taua Varua hoê ra i ohipa i taua mau mea atoa nei, i te opere maite-raa i ta te taata atoa i ta'na i hinaaro ra. (I Korinetia 12:4-12.)

Uiraa 7. Eaha te hara rahi a'e i te mau hara atoa?

Pahonoraa. O te faainoraa ia i te Varua Maitai. (Mataio 12:31-32; Luka 12:10.)

TE TORU TAMI.

Uiraa 1. Eaha te Torutahi?

Pahonoraa. Te faaroo nei matou i te Atua, te Metua Mure ore e i Ta'na Tamaiti ia Iesu Mesia e i te Varua Maitai hoi. (Hiro'a Faaroo N° 1.)

O te Varua Maitai tei faaite mai e, e parau mau ta te Metua e ta te Tamaiti hoi * na taua na Atua Tootoru ra e faatia i te Torutahi. (I Ioane 5:7.)

Uiraa 2. Eaha ta te Atua ohipa?

Pahonoraa. O Oia te Mana hope no te mau mea atoa no teie nei ao. O Vau mau â te Atua, e aita'tu, o Vau te Atua, e aita'tu e au Ia'u. (Apok. 19:6; Isaia 46:9.)

Uiraa 3. Eaha ta te Mesia ohipa?

Pahonoraa. Oia te Piti, i muri iho i te Metua, no te mana, e o Oia te pahono atu, i te Metua, no te mau mea atoa no te Basileia o te Atua i nia i te fenua nei. (Ohipa 2:36; Hebera 1:8-9.)

Uiraa 4. Eaha ta te Varua Maitai Ohipa?

Pahonoraa. E ite hoi te Varua Maitai no te Metua e te Tamaiti. Te Varua parau mau e te Haapii i te paari mau e te ite. (Ioane 14:26; 16:13-14.)

Uiraa 5. Eaha te huru no te Torutahi?

Pahonoraa. E mau Atua Raton—faataa ta tai Tabi-hia—area ra, ua tahoë mo'a hia ratou i roto i te ohipa. (I Ioane 5:7.)

Uiraa 6. O vai te Atua?

Pahonoraa. Te upoo no te Torutahi. O te mana i hau atu i te mau mana atoa, te Atua o te mau Atua, e te Fatu o te mau Fatu. E tino hanahana hoi to te Atua e e varua hoi To'na. (Hebera 3:4; Genese 5:1; Ioane 14:8-9.)

Uiraa 7. O vai o Iesu Mesia?

Pahonoraa. Te Piti no te Torutahi, te Tamaiti Fanau Tahiti o te Atua Metua, e te Fatu no teie nei ao, e te Faaora no to te ao atoa nei. (Ohipa 2:36; 4:12; I Ioane 5:7; Ioane 1:14.)

ROB
RAR

Na

hou ra
parau
te atī
ore. E
vaha
te basi

Ia fe
ve rah
ao nei
te ano
e te m

Ua i
hitu ha
tu e.
ite nei
e te m
te basi
pu ai t
e ore r
i nia i
aivi, e
Te rav
hitura
tou ma
te basi

TE PARAIMERE

ROBETA M. Johnson.

HENERE C. Teeples.

RAREFA R. Taylor.

NILE R. Chug.

Na te Orometua iho e maiti i te parau haapiiraa no teie ava'e.

Ia Fanau i te Pape e Tia'i.

U A parau atura IESU, na ô atura: *Amene, amene, e parau atu vau ia oe, ia ore te taata ia fanau faahou ra, e ore oia e ite i te basileia o te Atua ra.* O ta Iesu ia parau ia Nikodemo ra, te hoê ia Pharisea, e pŭpŭ taata i ô te atŭ Iuda ra o te faaroo i te tia faahou-raa e i te ora mure ore. E parau mana hoi teie irava i nia nei, no roto mai i te vaha o te Fatu, e ua faarirohia te baptizoraa ei uputa no te basileia.

Ia feruri tatou e tupu ia to tatou aroha i te mau taata e rave rahi tei pohe ma te baptizo ore hia. Te parau nei to te ao nei e, auê to tatou hui tupuna o tei ore i ite i te ture, mai te anotau matamua, eita ratou e ô i te basileia. Auê te oto e te mihi e !

Ua ite râ o Isaia i to tatou nei tau, e ua tohu atura oia, e hitu hanere matahiti na mua a'e i te Mesia ra, i te na ô raa-tu e. *E rave faahou â vau i te ohipa taa ê i teie nei feia.* Te ite nei tatou i te tupuraa o taua parau ra. Ua fâ mai te Atua e te melahi, e na roto ia IOSEPHA SEMITA ua faatia faahou i te basileia i tohubia e Daniela i te na ô raa mai e: *E faatupu ai te Atua o te ra'i ra i te hoê basileia o te ore roa ia e mou e ore roa hoi e riro ia vetahi ê.* Ua faatiatia te fare o IEHOVA i nia i te tupuai mou'a ra, e ua faateiteihia ia i nia i te mau aivi, e te tairuru atoa nei te mau taata e rave rahi i reira. Te ravehia ra te ohipa no te feia i pohe i roto i na Hiero e hitu ra, e te faatia noa hia nei â te hiero. E rave hia ta ratou mau ohipa e hope roa'e, e e ô hoi ratou tei pohe i roto i te basileia.

Ia IESU i pohe ra, haere atura Oia i Paradaiso, e ua mahiti ia'na te uputa, oia hoi, ua haapiihia te Evanelia ia ratou e vai ra i te tapearaa. Ua fifi râ ratou, no te mea ua faataahia te baptizoraa no teie nei ao, e e materia pae tino hoi te pape. Aita ta ratou e ravea maori râ, ia rave mono-hia ta ratou ohipa, no reira i baptizohia'i ratou no te feia i pohe i te tau no te mau Aposetolo a te Mesia, area râ, ua hapahia te ture, ua ruri-ê-hia e ratou tei haapao hia, e ua pi'o hia te faufaa haapao tamau hia ra, e teie nei ua tae mai te reira ohipa i nia iho ia tatou nei, no reira a ravae ana'e tatou.

Ia ore te taata ia fanau i te pape e te varua, e ore oia e ôi te basileia o te Atua ra. Ioane 3: 5.

Papaiha e Tena Oromelua.

E Tavini Satane no te Atua.

Noa'tu e ua riro te tiamā o te taata uei ei faufaa rahi na'na iho, ia faaterehia e te ite mau, eita râ e tia ia'na ia haapeapea i to vetahi ê tiamaraa. Ua riro te reira ei ture tumu no te mau mea atoa, te mea teitei e te mea haehaa, tei ia ratou te ite. No te reira tumu ua riro o Satane ei tavini no te Atua, e ua faatiahia ia rave oia i ta'na ohipa i roto i na otia tei faataa maitaihia. E tia ia'na ia haapii atu i te mau e'a no te ino, aita ra i tia ia'na ia haavî i te taata ia haapao ratou i ta'na mau opuaraa iino. Eita e tia i te taata, tei hinaaro ia haere na te e'a titiaifaro, ia mātā'u i te diabolō.

Na roto i te iteraa i te maitai e te ino e tia i te taata ia feruri i nia i te mau rave'a hohonu no to'na haereraa i mua. I te tahi mau taimē e riro te ohipa e te mana o te diabolō ei mea maitai, no te mea e riro te reira ei aveia no te aratairaa i te taata. Eiaha râ no te reira, e tia'i i te taata ia farii i te mau mana'o o te diabolō e ia rave i te ino no te iteraa i te parau mau. E mana'o hape roa ia, no te mea, eita roa e tia ia feruri e, e mea tia ia hara te taata ia tia ia hau atu to'na iteraa i te parau tia. Teie râ, ua haapao maitaihia te ohipa a te diabolō i roto i te ao nei, i rotōpu i te mau feia o tei haamo'e i te *Opuaraa Rahi* e te e'a no te haereraa i mua.

U
SETEP
pii o S
Utaha.
i te ave
Ua t
to'na f
te 28 n

I te
HORAT
ra o Og
raua,

I te
Ua fan
e tae r

Ua l
hana. U
ore roa
horo i
pahi re

E er
itoito r
shut, u
te Tapo
re te Ta
Ua topa
toma ta

I rot
ua haru
Purutia
pohe ia
Te pe
Parutia
rotōpu i

I rot
parau f
hau rahi
nei Oia
i te mau
nei te M

TE MAU PARAU API

UA TAE MAI TE PARAU API E, o Kenneth R. Stevens, oia hoi o SETEPHANO, te mono no TOMA L. Woodbury Peretiteni. E Orometua haapii o Setephano i roto i te haapiiraa teitei, na te Hau, i te oire ra i Logan, Utah. E reva atoa mai ta'na vahine e ta raua na tamahine tootoru, i roto i te ava'e Tiunu, na muri a'e i te faaoreraa haapiiraa no teie matahiti.

Ua tae mai oia i te matamua, i te 3 no Fepuare 1920. E toru matahiti to'na faaearaa i te Tuamotu, i Tubuai e i Tahiti nei; ua ho'i oia i Marite i te 28 no Febuare 1923.

I te 27 no te ava'e Mati, ua tae mai e piti Orometua api, oia hoi, o HORATE Wilde no te oire ra o Coalville, Utah, e o VIRI Miller, no te oire ra o Ogden, Utah. Ia riro to raua faaearaa i ô tatou nei ei tau oaoaraa no raua.

I te 28 no te ava'e Mati ua pohe o TEUIRA â GANAHOA no Tauere. Ua fanauhia oia i te 18 no Tiurai 1882 e o oia te Peretiteni Amaa no Tauere e tae roa'tu i to'na poheraa,

Ua haere roa te pae Orurehau o te Paniora i mua i teie mau mahana. Ua tae roa ratou i nia i te tahi mau tufaa fenua, e te mau oire, o tei ore roa i riro mai i mutaa ihora mai â. E rave rahi te tauatini o te taata tei horo i te fenua Farani, e maoti hoi ratou i na reira i ora'i ratou i te mau pahira reva o tei tae mai, i nia a'e i to ratou fenua, i te mahana i muri iho.

E ere i te mea tere roa te ohipa a te Tapone i teie mau mahana. Ua itoitaito roa te Tinito i te pato'iraa i te mau nuu Tapone. I te fenua ra i Szechuan, ua tapuhia te Anavai re'are'a, — Yellow River — e ua tahe te pape i nia te Tapone e ta ratou mau mauhaa tama'i. Mai reira ua mana'ohia e, e haere te Tapone i Chengehow, te ropuraa no te mau e'a pereoo auahi o Tinito. Ua topa a'enei te oire ra o Szechow i roto i te rima o te Tapone, hoê hepetoma taatoa to ratou topitaraa i taua oire ra e e pau rahi to te Tinito.

I roto i te ava'e Mati, ua tomo o Purutia i roto i te fenua Otetaria e ua haru i te faatereraa no taua fenua ra. E fetii ihoa ia teie mau taata i te Purutia e ua mauuuru te tahi pae o ratou, Te tahi mau taata ra, ua haapohe ia ia ratou iho no to ratou hinaaro ore ia faaterehia ratou e te Purutia.

Te peapea nei te fenua ra o Tcheko o te haru atoa hia to ratou hau e te Purutia. Ua faaite te hau Farani, ia na reira o Purutia e tupu te tama'i i rotopu ia raua.

I roto i teie mau tau peapea, ua faarue roa te tahi mau Hau i te parau faaauraa i te rahiraa o te ohipa tama'i o te mau Hau. O Farani te hau rahi te tapea nei i te parau i faaauhia i te matahiti 1936, e te hinaaro nei Oia ia amui mai te Baratane e te Marite, e na ratou e faatupu i te hau i te mau vahi atoa, e eita ia e tia i te hoê Hau ia patoi ia ratou. Te hamani nei te Marite i te mau mauhaa tama'i rarahi e ia rahi roa'tu i ta te Tapone.

Ua tauihia te ohipa. Ua titau te taata ra o Louis L. KRAMER, no San Francisco, i te parau faataa i ta'na vahine faaipoipo. E taote te vahine a taua taata ra, e i to raua faaipoiporaa ua faaau raua i te parau e, na te tane e haapao i te fare e na te vahine e imi i te moni. Ua titau atoa teie taaata i to raua fare e te moni ava'e i ta'na vahine ra.

E roaa anei te apî. Te mana'o nei na taote e piti, uo roto i te hoê fare ma'i i te oire ra i Baltimore, America, ua iteahia, ia raua, te hoê raau o te faaho'i i te taata i to'na huru apîraa. Hoê matahiti to raua raauraa i na taata e 17, e te faaite mai nei raua e, ua tupu faahou mai te umiumi taa no te mau taata mai i to ratou apîraa, e e huru apî hoi to to ratou iri e to ratou reo, e te ha'i mai nei te mau huru no te tane apî.

Ua iteahia, i te fenua Marite, te hoê puaatoro maiaa te taeahia to'na matahiti i te 40, e tei fanau i na fanau'a puautoro e 37.

Te haapii nei te Tapone i ta ratou mau taure'are'a vahine i te ohipa tama'i. Ua monohia te haapiiraa no te ohipa faaapu e te haapiiraa no te utuafare i teie ohipa apî, ha te mau tamahine, i roto i teie tau tama'i.

Ua parauhia e, ua fanau a'enei te hoê vahine, i te fenua Mexico, i na tamarii tamaroa toopae e te ora nei ratou atoa.

Te peapea noa nei te feia rave ohipa i Marite. Ua haru hia a'enei, e te feia rave ohipa, te hoê mau fare hamaniraa uira, i roto i te tufaa fenua ra i Michigan. E taiete rahi teie, e te faaite nei te pue feia rave ohipa, ia ore ia afaihia to ratou taima i nia e ia haapotohia hoi te mahana ohiparaa, e tapea ratou i te mau machine hamani uira, e e haapoirihia e 900 oire.

E ravea apî. I te matamua, ia mairi te hoê pahi reva i raro i te moana e mea fifi ia imi ia'na. I teie nei ra, na roto i te ravea apî a te hoê taata Farani, uo ohie roa'tura taua ohipa ra. Ua hamani oia i te hoê raau, tei parau hia e Fluoresceine, e ia anoihia taua raau ra i te miti e tau i roa hia te huru o te moana i taua vahi ra. I te tamataraahia taua raau ra, ua itehia e, e navai 10 kilo no te faahuru-ê raa i te moana ia iteahia mai na te atea roa, e tae noa'tu i te 15 maile i te atea.

No te pinepine te eia raahia te moni i roto i te afata vairaa no te aua faaiteraa puaa taehae, oia hoi te Zoo, no Detroit, America, ua afai atura te taata faatere i te afata moni i roto i te aua o te mau liona i te mau po atoa, e mai reira mai â, aita â taua afata moni i eia faahou hia.

Marcel Bonnet Gérant

W. Dean Pa mer Imprimeur.

Rue Dumont d'Urville, Orovini, Papeete, Tahiti.

O
ra,
ropl
itoit
oao:
tou,
mau
taat
N
Mo'
to i
ua p
fifi e
i tei
I
tu i
raa,
taua
mau
U
haap
U